

TEZAU LITURGIC
10 OCTOMBRIE

ACATISTUL
SF. MUCENICI
EVLAMPIE
ȘI
EVLAMPPIA
DE LA
NICOMIDIA



MOSCOVA, 2000

Акафист мученикам ЕВЛАПИЮ и ЕВЛАМПИИ

Кондак 1

Избранную двоицу божественную, богомудраго Евлампия и всечестную Евлапью в песнях священных почтим и, яко молитвами сих от бед избавляеми, благодарственно возопиим: радуйтеся, Евлампие и Евлампие, мученицы Христовы всехвальнии.

Икос 1

Ангелоподобныя чистоты неленостнии подражатели бысте, предоблии мученицы, и яко сосуды чистыя, Духа Святаго преисполненнии, явились есте. Темже всяк возраст и род, песнословяще о вас Господа, звании почитают вас сими:

Радуйтеся, от благороднаго корене благоуханныи прозябения.

Радуйтеся, Церкви Христовы изящнии украшения.

Радуйтеся, яко верных сердца́ благодатию просветили есте́.

Радуйтеся, яко ко́знем миродержителя́ ополчили́ся есте́.

Радуйтеся, му́ченическою кровию одея́ния душ ваших убели́вшии.

Радуйтеся, от руки́ Господни венцы́ нетленныя восприя́вшии.

Радуйтеся, Евла́мпие и Евлампі́е, мученицы Христовы́ всехвальнии.

Кондак 2

Видя́ гонения́ нечестиваго Макси́миана на христианы́, не убо́ялся еси́, богомудре Евла́мпие, безумнаго веления́ царскаго, повелевающаго избива́ти братию́ твою́ во Христе́ Иису́се; Господеви́ же, прославляюще́му славящих Его́, велегласно́ воспел еси́: Аллилу́ия.

Икос 2

Разум́ богопросвеще́н имѐя, страстотерпче́ Христов, безбоя́зненно на суди́лище неправедном предстал еси́ и́ Бога́ Истиннаго дерзновенно́ пред всеми́ испове́дал еси́. Мы́ же,

прославляя Господа, силою Своею ты
укрепившаго, взываем:

Радуйся, ласка́тельством и ле́стию нечестиваго
судии́ не уловле́нный.

Радуйся, во уповании своем на помощь Божию
не посрамленный.

Радуйся, яко мучений лютых не убоялся еси.

Радуйся, яко нечестивых собори́ще посрамил
еси.

Радуйся, истины небо́язненный проповедниче.

Радуйся, веры православныя побори́че.

Радуйтесь, Евла́мпие и Евлампіе, мученицы
Христовы всехвальнии.

Кондак 3

Силою Божиею свыше укрепле́нный,
страстоте́рпче святы́й Евла́мпие, мужественно
за Христа мучения ве́лия претерпел еси,
укрепляющему́ ты во страданиях твоих
Господеви поя: Аллилуия.

Икос 3

Име́яй твердую веру во Христа, добропобе́дне
мучениче, не убоялся еси лютых пре́щений,

мучителем протѣву тебе воздвигнутых, обаче очи своя к Небеси устремляя, славу Божию воспевал еси. Темже и мы славим дивную крепость твою сице:

Радуйся, яко мирское омрачение отвергнул еси.

Радуйся, яко к свету невещественному приблизился еси.

Радуйся, немилосердных мучителей суровство низложивый.

Радуйся, врага рода человеческого немощный дерзости сокрушивый.

Радуйся, к Божественной славе зряще, Небесныя славы сподобивыйся.

Радуйся, любовь ко Христу пламенея, лику святых приобщивыйся.

Радуйтеся, Евлампие и Евлампіе, мученицы Христовы всехвальнии.

Кондак 4

Бурею христуубийственною одержим, судия неправедный новым мукам предаде тя, многострадальне Евлампие, ненасытную ярость свою утоляя, не ведуще пети: Аллилуия.

Икос 4

Слыша о подви́зе испове́дания твоего, и мы, недостойнии, к помощи твоей прибегаем, всеславне Евла́мпие, и, прославляюще дивное терпение твое, со умилением сердечным воспеваем ти:

Радуйся, к Богу Истиному ве́лие раце́ние име́вый.

Радуйся, за Христа даже до смерти вся мучения претерпе́вый.

Радуйся, воздержанием и смирением страсти твоя умертвивый.

Радуйся, стоя́нием в вере вся де́монския полки́ поспали́вый.

Радуйся, яко язы́ком твоим богоглаго́ливым в правове́рии сла́бья укрепил еси.

Радуйся, яко многия чрез страдания твоя ко Христу привел еси.

Радуйтеся, Евла́мпие и Евлампі́е, мученицы Христовы всехвальнии.

Кондак 5

Боготѣчней звезде подобен был еси, мучениче Евлампие, чудесным бо востанием со одра разжженнаго, силу Божию, в немоци совершаемую, всем предстоящим на судилище явил еси, да просветятся светом Христовым и воспоют Творцу: Аллилуия.

Икос 5

Видяще людие чудеса Божия, на тебе бываемая, многобожия языческаго отметахуся и в вере в Истиннаго Бога укрепляхуся, да не погибнут во тьме нечестия и наследуют жизнь вечную. Сего ради и мы просим тя: моли спастися душам нашим, поющим ти таковая:

Радуйся, яко юн сый леты, адаманта твердее в правове́рии явился еси.

Радуйся, яко преславленным мучеником приложился еси.

Радуйся, кровию своею одеяние души твоея убеливый.

Радуйся, чашу страданий до конца испивый.

Радуйся, исцелений безме́здный подателю.

Радуйся, о спасении нашем пред Богом предстателю.

Радуйтесь, Евла́мпие и Евлампіе, мученицы Христовы всехвальнии.

Кондак 6

Проповедником истины Христовы явился еси, страстотерпче Евла́мпие, именем бо Христовым идо́лы богоме́рзския в ка́пище нечестивых до́лу низве́ргл еси, люди же ослеплённыя к Богу привел еси, научая их пети Ему: Аллилуия.

Икос 6

Воссиял еси, яко светоза́рное светило, мучениче добропобедный, славным житием твоим Господа прославляя и то́кмо Его Единого паче всего любить вразумляя. Темже и нас молитвами твоими в Небесныя обители приведи, воспевающих ти си́це:

Радуйся, яко за имя Христово душу свою положил еси.

Радуйся, яко чрез мучения в Го́рния обители восше́л еси.

Радуйся, раны плотскія, яко безплотный, претерпе́вый.

Радуйся, суетность и прелесть мира сего презревший.

Радуйся, правья веры непреодоленный поборниче.

Радуйся, Евангельских заповедей неустанный проповедниче.

Радуйтесь, Евлампие и Евлампие, мученицы Христовы всехвальнии.

Кондак 7

Хотяй купно с тобою жизнь вечную наследовати, сестра твоя, блаженная Евлампия, посреде судилища предста и веру свою во Христа пред мучителем исповеда; ты же, богомудре Евлампие, за таковое промышление Божие о спасении вашем возблагодарил еси Бога, поя Ему: Аллилуия.

Икос 7

Новое чудо содела Господь, мученицы святии, егда благоволи прославити вас и явити на вас благодать Свою: в кипящем бо котле сотвори невредимы телеса ваша; людие же, видявще сия, zelo дивляхуся и, во Христа уверовавше, христианами себе исповедаша и смерть

мученическую прияша. Мы же со умилением поем вам:

Радуйтесь, мучений облаки терпеливно прешедшии.

Радуйтесь, яко солнце благодатию Спасовою возсиявшии.

Радуйтесь, братскою любовью божественне связуеми, подобными болезнями светло украсившиися.

Радуйтесь, исцеляти недуги благодать свыше приявшии.

Радуйтесь, любовь ко Христу распаляеми, всю мирскую лесть истинно презревшии.

Радуйтесь, просветившеся Тройческим сиянием, идольское омрачение разрушившии.

Радуйтесь, Евлампие и Евлампие, мученицы Христовы всехвальнии.

Кондак 8

Странно бе видети и слышати нечестивому мучителю и иже с ним, невеждущим силы Божия, како в немощем человечестем телеси претерпеваете таковыя за Христа муки, двоице блаженная. Мы же, славяще Бога, даровавшего

вам такую крепость, с любовью взываем:
Аллилуия.

Икос 8

Всежеланный и Сладчайший Иисус, Егоже вы
всею душою возлюбисте, слыша ваше теплое
моление в пещи огненной, песнь трех отроков
воспевающих, обрати жар в хлад и паки
неврежденны вас сотвори. Темже и мы
приносим вам сицевая:

Радуйтесь, пещный пламень молитвами вашими
ко Господу поправшии.

Радуйтесь, блаженство вечное в Царствии
Небеснем приявшии.

Радуйтесь, росой божественною, с Небесе
снизшедшею, оросившиися.

Радуйтесь, мужественно за Христа пострадавше,
венцами нетленными украсившиися.

Радуйтесь, яко на камени Спасове яве себе
утвердили есте.

Радуйтесь, яко кровей ваших изливанием
идольския кровныя жертвы упразднили есте.

Радуйтесь, Евлампие и Евлампие, мученицы
Христовы всехвальнии.

Кондак 9

Всякое естество Ангельское возрадовашеся мужеству вашему, святии мученицы Евлампие и Евлампие, не убоялися бо есте даже до смерти мучения велия за Христа претерпети; сего ради научаете и нас в злостраданиях различных не малодушествовати, но на Единого Бога все упование свое возлагати, взывая Ему: Аллилуия.

Икос 9

Ветийство человеческое не возможет изрещи всего величия подвига вашего, страстотерпцы святии, егоже вы за Христа подъяли есте. Но мы, аще и недоумеем восхвалити вас по достоянию, воспеваем сице:

Радуйтесь, за доблестныя страдания венцы от руки Господни приявшии.

Радуйтесь, не себе, но Творцу своему добре угождавшии.

Радуйтесь, яко вами дивен Бог во святых Своих является.

Радуйтесь, яко вами имя Христово во всем мире прославляется.

Радуйтесь, православных христиан укрепление.

Радуйтесь, всех притекающих к вам утешение.

Радуйтесь, Евла́мпие и Евлампіе, мученицы Христовы всехвальнии.

Кондак 10

Спасти́ся хотя́ от погибели́ вечны́я и жизнь блаженную во Царствии Христовом наследовати, мученицы святии, в рúце Божии безбоязненно ду́ши своя преда́ли есте́, воспевая Ему: Аллилу́ия.

Икос 10

Стеною молитв ваших, страстотерцы Христовы, от всяких бед и напáстей нас ограждайте, да, охраняеми вами на всех путях жития нашего, со благодарением зовем вам сицева́я:

Радуйтесь, благочестно живущим предивнии помощницы.

Радуйтесь, верующим во Христа преславнии заступницы.

Радуйтесь, язвы душевныя елеем молитв ваших исцеляющии.

Радуйтесь, водами жизни алчущих правды напаяющии.

Радуйтесь, яко милостивое предстательство
ваше верным являете.

Радуйтесь, яко ходатайством вашим кающихся
грешницы покрываете.

Радуйтесь, Евлампие и Евлампие, мученицы
Христовы всехвальнии.

Кондак 11

Пение всеумиленное приносим вам,
достоблаженнии Евлампие и Евлампие,
прославляем дивное житие и славим
мученическую кончину вашу, Богу,
укреплявшему вас, поя: Аллилуия.

Икос 11

Свет Небесный осия души ваша, к Создателю
своему с ангельским пением возносящихся,
блаженнии стратотерпцы. Темже, у Престола
Пресвятыя Троицы предстоя, вознесите молитвы
ваша и о нас, грешных, хвалебно поющих вам
сицевая:

Радуйтесь, яко память ваша с похвалами на
земли.

Радуйтесь, яко мзда ваша многа на Небеси.

Радуйтесь, чистым сердцем Бога зрящи.

Радуйтеся, славословия непрестанно Ему
воспевающии.

Радуйтеся, Горняго Иерусалима блаженнии
жителие.

Радуйтеся, Пресвятая Троицы доблестнии
служителие.

Радуйтеся, Евлампие и Евлампіе, мученицы
Христовы всехвальнии.

Кондак 12

Благодать от Бога прияли есте, святии
мученицы, болящия исцеляти, скорбящия
утешати, малодушныя укрепляти, всех же
благочестно жити хотящих на путь правыя
жизни во Христе наставляти, со умилением
поющих: Аллилуия.

Икос 12

Поюще дивныя подвиги ваша и мученическую
кончину, двоице святая, восхваляем мужество и
терпение ваше, крепость и силу в страданиях за
Христа, взывая сице:

Радуйтеся, вдов и сирот милостивии питателие.

Радуйтеся, в девственной чистоте пребывающих
хранителие.

Радуйтеся, скорбящих и унывающих радование.

Радуйтеся, колеблющихся в вере укрепление.

Радуйтсѧ, яко с Небесе на нас призираете.

Радуйтеся, яко молитвы наша ко Господу возносите.

Радуйтеся, Евла́мпие и Евлампі́е, мученицы Христовы всехвальнии.

Кондак 13

О преславнии страсотерпцы Христовы Евла́мпие и Евлампі́е, прииміте сие хвалебное пение наше и молите Господа, да дарует нам до конца пребывати во Святей Церкви Своей, да простит нам вся прегрешения наша и сподобит с вами и со всеми святыми воспевати Ему: Аллилуия.

(Этот кондак читается трижды, затем икос 1 и кондак 1)

Молитва

Святїи мученицы Евла́мпие и Евлампі́е! Призрите с Небеснаго черто́га на требующих вашея по́мощи и не отвѣргните прошений наших, но, яко прїснии благодетели и ходатаи наши, молите Христа Бога, да человеколюбїв и

многoмилoстив сый, сохранит нас от всякаго лютаго обстоянiя: от труса, потопа, огня, меча, нашествiя иноплемёнников и междоусобныя брани; да не осудит нас, грешных, по беззакониям нашим, да не во зло обратим благая, даруемая нам от Всещедрaго Бога, но во славу святаго имени Его и в прославление крепкаго вашего заступления. Да молитвами вашими даст нам Господь мир помыслов, воздержанiе от пагубных страстей и от всякия скверны; да укрепит во всем мире Свою единую Святую, Соборную и Апостольскую Церковь, юже стяжалъ есть честною Своею Кровию. Молитесь прилежно, святiи мученицы, да вси мы в мире и благочестии поживем в настоящем веке и достигнем блаженныя вечныя жизни на Небеси благодатию Господа нашего Иисуса Христа, Ему же подобает всякая слава, честь и держава со Отцем и Святым Духом, ныне и присно и во веки веков. Аминь.

